



Lesoni 6, Okosita 8,
2026

SOLISOLI NI YALO TABU

“Dou vakasaqara na loloma:
dou gadreva talega na veika
vakayalo, ka vakalevu mo dou
parofisai” (1 Koronica 14:1)



Sa matata ni soqosoqo lotu mai Koronica era sega ni duavata ena vuqa na ka. Era sega ni duavata ena vukudra na dauvunau; na cava e dodonu me ra kania; me ra vakawati se me ra tiko duadua ga; ka vaka kina na isolisoli cava ni Yalo Tabu cecere duadua.

Ena nona sa sauma oti na veileti taumada, sa qai vakaraitaka o Paula na gaunisala cava e yaco kina na I solisoli ni Yalo Tabu me ka e sega ni vakavu leqa yaco ga me ka era lomavata kina. (1 Koro. 12-14).

Na I soliosoli vinaka duadua? E sega ni dua! Na vuna?



Solisoli ni Yalo Tabu:

- ➡ Levu nai solisoli, Duabau e solia.
- ➡ Levu na veitikina, dua ga na yago.



Na ka e veivakaduavatataki:

- ➡ Na usasivi ni loloma.



Solisoli tale eso:

- ➡ Solisoli ni duivosavosa
- ➡ Solisoli ni parofisai.

SOLISOLI NI YALO TABU



LEVU NAI SOLISOLI, DUABAU E SOLIA

"Ia sa duidui na ka sa soli, ia sa duabauga na Yalo Tabu" (1 Koronika 12:4)

O cei e solia na I solisoli ni Yalo Tabu? (1 Koro. 12:4-6)



1 Kor. 12:4	Ia sa duidui na	Ka sa soli	Sa duabauga	Yalo Tabu
1 Kor.12:5		cakacaka		Turaga
1 Kor.12:6		Ka e caka		Na Kalou
		Solisoli ni Yalo Tabu		O Koya sa solia

Me veivuke me da kila na veiwekani ni solisoli ni Yalo Tabu, kei Koya ka solia, e vakayagataka o Paula e tolu na ka me vakatakilai ratou kina, kammatata na kedratou duidui: solisoli; na cakacaka; valavala ni nodratou cakacaka.

Ia, e Duabauga e solia: na Yalo [Tabu]; na Turaga [Jisu]; kei na Kalou [Tamana]. Oya na (Lewe Tolu) va-Kalou eratou cakacaka vata (Joni 14:16).



Ia na Kalou e sega ni solia na isolisoli me vaka na vei kalou va Kiriki se Roma (1 Koro. 12:2). E sega solia na I solisoli me vakatautaki ena i tuvaki ni bula era bula kina na tamata. (me vaka na bete yalewa).

LEVU NA ISOLISOLI, DUABAUGA E SOLIA

“Ia sa duidui na ka sa soli, ia sa duabauga na Yalo Tabu.” (1 Koronika 12:4)

Na cava na vuna e solia kina na i solisoli duidui na Kalou ki na tamata duidui? (1 Kor. 12:7)

Nai solisoli vakayalo e “vakavinakata -ki” kina na isoqosoqo lotu. Na Kalou duadua ga e kila na tamata cava e rawa ni vakayagataka na i solisoli duidui me vaka na nona i naki.



Na isolisoli cava soti e solia o Paula me ivakaraitaki, mai na i solisoli duidui eso ena loma ni soqosoqo lotu? (1 Kor. 12:8-10; Roma 12:6-8; Efeso. 4:11-12)

1 Koronika 12:8-10

- ✔ Vosa ni vuku
- ✔ Vosa ni kila ka
- ✔ Vakadinata
- ✔ Veivakabulai
- ✔ Cakava na ka mana
- ✔ Parofisai
- ✔ Kila na veiyalo
- ✔ Vosa tani eso
- ✔ Laveta na vosa tani eso

Roma 12:6-8

- ★ Dauveivota
- ★ Qasenivuli
- ★ Dauvunau
- ★ Dausolisoli
- ★ Daulewa
- ★ Dauloloma

Efeso 4:11-12

- ♥ Apositolo
- ♥ Dauvunau voli
- ♥ Cakacaka ni talatala ka vakatataki cake nai vavakoso

VUQA NA KENA TIKINA, DUABAU NA YAGO

"Me vaka sa dua bauga na yago, ka sa vuqa na kena tikina, ia na tiki ni yago kecega, sa vuqa ga, ka sa dua bauga na yago: sa vaka talega kina na Karisito." (1 Koronika 12:12)



E dua bauga na Kalou, ia na vei tiki ni yagona kecega e duidui na nodra itavi. E duabau vakakina na I soqosoqo lotu, ia na veitikina e tiko na nodra dui tavi me vaka na yagoi Karisito ena Vuravura (1 Kor. 12:12-13).

O Paula e vakayagaataka na yago ni tamata me I vakaraitakina duavata ni veika duidui ena loma ni soqosoqo lotu. Na mata, ai "solisoli" ni rai ia e sega ni daliga. Ia e rau veivuke na ka e rua oqo ni rau cakacaka vata. Sa vaka kina ena isoqosoqo lotu, na tamata vakayadua, era qarava na nodra cakacaka me vaka na I solisoli ka soli vei ira (1 Koronika 12:28-30).



E dusia qo na yaga ni tamata taucoko; e sega ni dua e levu mai vua tale e dua; me kauwaitaki na nodra vakavinakataki na veiwekani; ka cakacaka vata kecega me vakaduavatataki na soqosoqo lotu (1 Kor. 12:15-27).



NA KA E VEIVAKADUAVATATAKI



NA UASIVI NI LOLOMA

"Ia dou gadreva vakalevu na veisolisoli vinaka sara: ia kau sa vakatakila vei kemudou nai valavala sa uasivi cake na kena vinaka." (1 Koronika 12:31)

Loloma e sega ni solisoli, ia sa "ivalavala sa uasivi cake na kena vinaka" (1 Kor 12:31). E vua ni Yalo Tabu ena nona bula na tamata vakabauta (Kalatia 5:22). Na isolisoli ni Yalo Tabu e rawa ni vakayaga-taki vakavinaka ena loloma.

Cakakaca ni loloma

Vosota vakadede

Yalovinaka

Rekitaka na dina

Vosota na ka kecega

Vakabauta na ka kecega

Vakanuinitaka na ka kecega

Sa vosota na ka kecega

SEGA NI CAKAVA

Sega ni vuvu

Sega ni vosadoudou

Sega ni viavialevu

Sega ni cakava ka e kilikili kaya

Sega ni qara na ka me nona ga

Sega ni cudrucudru


Sega ni daulomaca

Sega ni rekitaka na ca

Na isolisoli ni kila na duivosavosa, ke sega kina na loloma, "sa kaukamea sa rorogo se lali sa tataqiriqiri." Na isolisoli ni parofisai, kila ka, vakadinata, ke sega kina na loloma sa ka wale. Na dausolisoli, soli bula, ke sega na loloma sa sega ni yaga (1 Kor. 13:1-3).

1 Koronika 13:4-7 e vakarautaka e dua na yavu tudei ena l valavala vinaka ena bulataki ni solisoli vakayalo:

SOLISOLI TALE ESO



NA ISOLISOLI NI DUIVOSAVOSA


"Ia ko koya sa vosa ena dua na vosa tani, me masu talega me vakatakila rawa na kena I balebale." (1 Koronika 14:13)

Na nona vakadreta tiko ko Pauala na isolisoli ni vosa tani kei na kena vakayagataki e dusia tiko na kena vakatanitaki tiko mai vei ira na lewe ni lotu mai Koronika, ka vakavuna na tiko vakaca kei na sese ena nodra lotu (1 Koronika 14:23).

Na isolisoli ni vosa tani sai koya na kena rawati me vosa e dua ena vosa ni tamata se agilosu (1 Koro. 13:1). Ni sega ni kilai vei ira era vakarorogo, sa dodonu me vakadewataki (Cakacaka 2:8; 1 Koronika. 14:2, 13-14, 27-28).

Na gagadre nei Paula me rawata na tamata kecega me vosa ena vosa tani, sa vakadewataki cala tiko mai vei ira eso ka nanuma ni dodonu me da rawata taucoko nai solisoli oqo (1 Koronika. 14:5).

Na nona gagadre oqo, e kovuta na i solisoli kecega (1 Koronika 14:1). O Paula e sa vakamatatataka oti "A sa soli vei ira na tamata yadua nai vakatakilakila ni Yalo Tabu me yaga kina" (1 Koro. 12:7). Sa kena ibalebale ni sega ni na tautauvata na noda i solisoli kece.



A ISOLISOLI NI PAROFISAI

“Ia ko koya sa parofisai sa vosa vei ira na tamata me vakatataki ira, ka vakatavulici ira, ka vakacegui irat” (1 Koro. 14:3)

E sega ni rawa ni da yalana na I solisoli ni parifisai ki na kena tukuni na veika e se bera ni yaco. Na I matai ni kena yaga sai koya na veikatataki, veivakavulici kei na veivakacegui (1 Koro. 14:3).

O Paula e vakalevulevuya nai solisol-i oqo vei ira kece (1 Koro. 14: 1, 4, 22-25). E kaya talega me vakayagataki vakadodonu me kakua kina ni vakavuna na sese: “ia me caka me rairai vinaka na ka kecega, ka vakadodonu talega.” (1 Kor. 14: 40; 1Kor.14:29-33).

Na isolisoli ka vakatakilai kina na lotu kena vo, e vakaraitaki ena nona bula kei na cakacaka na vada o Ellen G. White (Vtkla. 12:17; 19:10). Ia eda kila rawa vakacava na parofita dina?

Na tukuni ni veika e se bera—ena tiko beka na kena I vakataki-lakila—e dodonu me na yaco (Vrua. 18:22; Jer. 28:8-9; Jonah 4:2)

E dodonu me tautauvata kei ira na parofita taucoko na nona I tukutuku (Vrua. 13:1-3; Ais. 8:20)

E dodonu me vakadinadinataka na sucu vakatamata nei Jisu na nona I tukutuku (1 Joni 4:1-3)

Na nona bula e dodonu me salavata kei na I tukutuku vaka I Vola Tabu ka vunautaka tiko (Mt. 7:15-20)

“Ena veika kece e tuvalaka na Turaga, e sega e dua e uasivia cake na nona tuvatuva me solia ki vei ira na turaga kei na marama na veimataqali isolisoli duidui eso. Sa nona iteitei na isoqosoqo lotu, ka ukutaki ena veimatali vunikau, na veika e teivaka, kei na senikau. E sega ni namaka o Koya me cakava na isopi na nona cakacaka na sitari, se me tubu wadrovu na olive me tautauvata kei na cecere ni “niu” (palm). E levu e vakaiyalayala na veika era vulica me baleta na lotu kei na vuku, ia na Kalou, ki vei ira oqo, kevaka era yalo malumalumu ni cakacaka ena vakabauti Koya...”

Na isolisoli duidui e soli vei ira yadua, me rawa kina vei ira na tamata cakacaka me ra kila ni dodonu me ra veivukei. Na Kalou e solia na I solisoli oqo, me vakayagataki ena nona cakacaka, ka segai me dokadokataka ko koya ka tu vua, segai me laveti cake kina e dua na tamata, me laveti cake ga o Koya na iVakabula kei vuravura. Me vakayagataki me bula kina na kawatamata ni tutaki kina na dina, ka sega ni tusanaki kina na ka lasu.